



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁL

Komunikadu Imprensa
18 Setembru 2013

Tribunál Distritál Baucau kondena pena multa ba autór kazu violénsia doméstika

Iha 16 Setembru 2013, Tribunál Distritál Baucau kondena arguidu ne'ebé prátika krime violénsia doméstika hasoru nia kónjuje ho pena multa \$.45.00.

Ministériu Públiku akuza katak iha 5 Juñu 2012, arguidu tuku dala 1 iha vítima nia matan fukun, no dala 1 iha kotuk laran. Aktu ne'e rezulta vítima sofre kanek iha matan fukun.

Kazu ne'e akontese tanba arguidu ba buka karau ne'ebé lakon no tarde fila ba uma.

“JSMP haksolok tanba hare katak tribunál sira kontinua fo prioridade ba kazu violénsia doméstika no hein katak esforsu hirak ne'e bele ajuda hamenus númeru violénsia doméstika iha futuru.”, dehan Diretór ezekutivu JSMP Luis de Oliveira Sampaio.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples kónjuga ho artigu 35 Lei Kontra Violénsia Doméstika.

Iha audiénsia julgamentu, arguidu konfesa, hatudu nia arependementu no deklara katak sira dame malu ona. Bazeia ba faktu no sirkunstansia atenuantes hirak ne'e, tribunál konklui hodi fó pena multa \$. 45.00 no kada loron sei selu \$.0,50 sentavus.

Kazu ne'e rejistu iha tribunál ho Númeru Prosesu: 40 /Crm.S/2013/TDB. Dr. Hugu da Costa Pui (Juis Estaziadu) mak prezide julgamentu ne'e, Ministériu Públiku representa husi Dr. Baltazar Ramos no arguidu hetan defeza husi Dr. Gregorio de Lima husi Defensória Públiku

Atu hetan informasaun kle'an liután favór kontaktu:

Luis de Oliveira Sampaio
Diretór Ezekutivu JSMP

Diresaun e-mail: luis@jsmp.minihub.org
info@jsmp.minihub.org

Telefone: 3323883 | 77295795

Website: www.jsmp.tl